



*Allaffeqarfik/Head
Office:*
Aqqusinersuaq 31, 1.
sal
P.O.Box 386

3900 Nuuk

Tlf.: +299 32 24 22

Fax: +299 32 57 15

Email: knapk@knapk.gl
Homepage:
www.knapk.gl

Ulloq, 31. maj 2023
J.nr. 11.02.02 / MP

**Aalisarnermut Piniarnermut Naalakkersuisoqarfik
/MAANI**

Att.: APN **Nuka Møller Lund**
Mailadr.: apnn@nanog.gl

Una pill.: Tuttunniarnissamut Umimmanniarnissdamullu piffissaliussat pillugit KNAPK-miit akissuteqaat

**Aasaanerani ukiaanreranilu 2023, tuttunniarnissamut umimmanniarnissamullu
piffissaliussat pisassiissutillu pillugit tusarniaanermut KNAPK-miit akissutit.
(Tusarniaaneq killeqarpoq 31. Maj 2023)**

Tuttut – KNAPK-miit akissutit:

1. Piniarfik 2, 3 amma 4 :

- Piffissaliussat, Inuussutissarsiuutigalugu 1. August – 31. December, ajunngilaq
- Piffissaliussat, Sunngiffimmi 15. August – 15. September, siunnersuut

2. Piniarfik 1, 5, 6, 7, 8 amma 11 :

- Piffissaliussanut 1, 5, 8, 11 -imi Inuussutissarsiuutigalugu 1. August – 15. Oktober ajorineqanngilaq.
- Piffissaliussanut, inuussutissarsiuutigalugu 6 aamma 7-imi 1. August – 31. Decemberimut kissaatigineqarpoq, Paamiut tuttoqarfii tuttoqarluarmata.
- Piffissaliussat, Sunngiffimmi 15. August – 15. September, siunnersuut
- Piniarfik Ameralimmiik kujammut tuttoqarfinni tamani piniartut akuullu-artillugit piaartumik tuttunik kisitsisoqarnissaa kissaatigineqarpoq.
- Piniarfik 8 Nuussuaq-mi kujammut killerfiani Nunaqarfiup (Qeqertaq) meqqaani qeqertaarannguaq Niaqornaq tuttut ulikkaarsimavaat 50-sit missaani amerlassusillit, tassanngaaniillu nikinneq ajulerlutik. Nerisassa-qaratik perlerlutik toqorassammata piaartumik Naalakkersuisoqarfik qanoq iliuuseqaqqarput.
- Uummannap Upernaviullu akonanni Siggummi tuttunik tumaanillu takuso-qartarmat tuttut kisinneqarnissaat kissaatigineqarpoq.

3. Piniarfik 9 aamma 10 (Kaqngerluarsorujuk, Nuna Prudhoe aamma Nuna Inglefield :

- Piffissaliussat, Inuussutissarsiuutigalugu aamma sunngiffimmi 1. August – 30. November. Nassuiaat: Kaperlaap nalaani taarnerpaaffiani tuttunniartoqar-neq ajormat.
- Piniarfik 9 aamma 10-imi tuttunik kisitsinissaq piumasarineqarpoq, malunnartumik tutut ikiliartormata aamma sanigoraluttuinnarlutik. Suut

pissutaappat ? amaqqut amerlavallaalerpat ? nerisassassaqaassuseq tutunut umimmannullu naammappa ?

4. Piniarfiit tamarmik : Immikkut nalilersugassanngortitaq Piniarnissamut piffissaliussat, Inuussutissarsiutigalugu piniarneq: 1. august – 15. oktober aamma 1. december – 31. december. Nassuiaat: Tuttut nuliunerisa nalaanni akornuser-sorneqaassanngimmata aammalu piniartut Decembarimi aningaasarsiorfissaqartinniarlugit.

Tuutunut tunngatillugu Immikkut oqaatigiumasat :

Kalaallit Nunarput tamaat ataatsimut isigalugu **tuttoqarfinnut pisassiiffinnullu tamanut tunngatillugu (Kalaallit Nunaat tamaat)**, sunngiffimminni piniartartunut tamanut atuuttussamik, piniarnissamut piffissaliussinissaq KNAPK-miit siunnersuutigaarput: 15. august – 15. september. Nassuiaat: Piniarnermik Inuussutissarsiuteqartut aningaasarsiorfissaminnut periarfissaasa ikittuinnaasut ilagaat umimmaat neqaanik nikkuinillu tuniniaasarneq. Ukiuni makkunani sunngiffimminni pinialuttartut pisaqarujussuuartarlutik aamma tuniniaasarnermikkut ingiarsimaarinninnerat annertooujussuuvog. Namminneruna pisamin-nik piniarnissaminnut periarfissinneqartartut.

Narsap kommuneqarfigisimasaani tuttuutaasimasut siammarlutik amerliartu-piloorput, tassami tutunuk toqoraasoqassaarsimammat. Tuttut ima amerlati-gilersimapput nunatani qeqertanilu nerisassaqaarnikkut ajornartoriulerlutik. Taamaammat Piffinni pineqartuni tutunuk ikilisaanissaq pisariaqartut isigine-qarpoq, amerlassusiliilluni pisassiinissaq kaammattuutigineqarluni. Nassuiaat: Narsap Kommuneqarfitoqaani tuutuuteqarfik taamanikkut aallartimmat eqqaamanearpoq piumasarineqarsimasog tuuttuutit 2000 qaangerlugit ameralas-suseqalissanngitsut nerisassaqaarneq eqqarsaatigalugu.

KNAPK-miit ilungersortumik kaammattuutigineqarpoq Aalisarnermut Piniarnermut Naalakkersuisoqarfik Avatagiisinut Nunalerinermullu Naalakkersuiso-qarfik peqatigalugu Nunatta kujataani tuttuuteqarfiup imaluunniit tuttuute-qarfiusimasup isumannaarnissaa suliareqqullugu, aammalu piffinni assiingitsuni taamatullu Aqutsiveqarfik Ivittuuni tutut ajornartorsiutaalernerat aaqqiiviginiarlugi piaarnerpaamik suliniuteqaleqqullugit. KNAPK piareersi-mavoq Kujataani immikkoortortaqaqfini peqatigalugit ikiutissalluni.

Umimmaat – KNAPK-miit akissutit:

Aqutsiveqarfinni tamani Piniarnermik **Inuussutissarsiuteqartunut** umimmanniarnissamut piffissaliussanut allannguutissanik siunnersuuteqartoqanngilaq, kisiannili Aqutsisoqarfik Qaanaami piffissaliussaqaarsimannginnassi takusinmnaasassitut siunnersuuteqarpugut.

Kalaallit Nunarput tamaat ataatsimut isigalugu **umimmaqarfinnut pisassiiffinnullu tamanut** tunngatillugu **sunngiffimminni** namminneq pissaminnik piniartartunut kalaallit Nunaannut tamarmut atuuttussamik piffissaliuinissaq KNAPK-miit siunnersuutigaarput: 15. august – 15. september. Nassuiaat: Piniarnermik Inuussutissarsiuteqartut aningaasarsiorfissaminnut periarfissaasa ikittuinnaasut ilagaat umimmaat neqaanik nikkuinillu tuniniaasarneq. Ukiuni makkunani sunngiffimminni pinialuttartut pisaqarujussuuartarlutik aamma tuniniaasarnermikkut ingiarsimaarinninnerat annertooujussuuvog. Namminneruna pissaminnik piniarnissaminnut periarfissinneqartartut.

1. **Aqutsiveqarfik Maniitsoq:** Piffissaliussanut allanik siunnersuuteqartoqanngilaq, aammalu Aqutsisoqarfik Maniitsumi siornatigutut killilersuinertaqanngitsumik ingerlanneqartussaasutut paasivarput.

Aqutsiveqarfik Maniitsumi umimmaat ilaat amerluartorlutik kujavaraluttuinnarput. Maannakkut Atammimmiit piumasarineqarpoq atammiup timaani umimmaat kisinneqarnissaat maannakku allaat sissami takussaagaluttuinnarmata.

Aamma Siornali piumasaraarput Nuup eqqaani umimmaat takussaagaluttuinnarmata kisinneqarnissaat, kisinneqareerpata Nuup immikkut umimmaqarfittut piosassiivinngorsinnaammat.

2. **Aqutsiveqarfik Sisimiut:** Aqutsisoqarfik sisimiut 400-inik pisassinneqarput aammalu (Umimmaqarfik Naternaq) **Aqutsisoqarfik Kangaatsiaq 120-inik** pisasseqarluni. Aammalu Aqutsisoqarfik Maniitsumi Piniarfinni assigiinngitsuni 4-mani umimmaat killeqanngitsumik piniarneqartussanngortinneqarput. KNAPK-miit kaammattuutigineqarpoq Kangerlussuarmiik avannamut innuttaasut eqqarsaatigalugit aaliangersimasunik amerlassusilinnik pisassiisoqarnissaa misissoq-qullugu soorlu aamma taamatut iliortoqartarnikuusoq. Nassuiaat: Nunatta pis-sarititaanik neqissaqarniarnikkut sinerissami innuttaasut amerlanersaasa pissarsinissamut periarfissinnissaat pingaarutilerijussuuvog. Nunap pisussutai uumassusillit nunap inuisa pingaat, taannaluunniit nassuiaatitut naammakkaluarpog.

Avannaamiut Naternami umimmattassallit nassuttuukkut aavartut aamma aqutsiveqarfik Sisimiut killeqarfiata iluani pisaqartarsinnaaner at ammaanneqassasog.

Aqutsiveqarfik Sisimiuni ukiuunerani umimmanniarnermi umimmaat saluttut ilumioqanngitsut torarneqartarsimapput, nunap silallu pissusaannit pinersog imaluunnit allamik peqquteqarnersog paasiniarneqartariaqarpoq. Tamakku Kommuuni aqqutigalugu ingerlanneqarsimagaluarpog, sulili tusartoqarani.

3. **Umimmaqarfik Naternami – Aqutsisoqarfik Kangaatsiaq:** Umimmattassiissutit marlunnut avinneqarnissaat sakkortuumik piumasarineqarpoq imaalillugit; Naternami pisassiissutit 120-t tusaatissatut tiguneqarput, taamaattoq Ussuit Nunaani, Ipiutaarsuup Nunaani, kiisalu Eqalummiut nunaani allatut periuseqarluni umimmanniarnissaq kissaatigineqarpoq imaalillugu; Naluneqanngitsutuut nunatani pineqartuni pingaartumik Eqalummiut nunaani tutut piaqqiorfeqarput, taamaalillunilu massakutuut Nater-nami makitsilluni pisassinneqartarfimmut akuliutsinneqarnermikkut killilimmik piniarneqarsinnaaner at massakutuut pissutsit itsillugit naatsorsuutigineqartussaassalluni. Taamaammat taakkua umimmaat Qeqqata kommunianiit nunatanut pineqartunut ikaartut (kuuk ikaalaaginnarlugu) Qeqqata kommuniani nassuttuup qinnguata tungaani pisassiisarnermut assigusumik piniarneqarsinnaanissaat siunnersuutigineqarpoq, pisassaqarumalluni makitsinissamut ilanngutinngikka-luarluni, nunatani pineqartuni piniarniaraanni akuersissutinik sullissivimmut aalliinnartoqarsinnaatilerlugu. Taamaalilluni umimmaat nunatani annertoorsuun-ngitsuni tutut piaqqiorfiinik innarliartornerat aquunneqarsinnaalerniassammat. Taamaalilluta siorna allakkavut ingerlateqqippavut naak APN-imiit pineqartunut oqariartuuteqartoqaraluartog.

4. **Aqutsisoqarfik Qaanaaq:** Piniarnissamut piffissaliussat Umimmaqarfik Nuna Inglefield aamma Nuna Prudhoe: 1. August – 30. November. Nassuiaat: Kaperlaap nalaani tarnerpaaffiani piniartoqarneq ajormat.
Sakkutooqarfimmi Radareqarfimmi umimmappassuit nipagiusimaaginnarneqarput, taakku piniartunit suleqateqarluni piniartinneqarnissaat pisariaqalivippoq. Aammalu umimmaat amerlavaællaalernermikkut saniguraluttuinnarput, pissutsit tamakku paasillugit Naalakkersuisut qanoq iliuuseqartariaqarput.
Akiliisitsilluni pinartut piniartitsisarnissaat Naalakkersuisut aaqqiivigisariaqarpaat, taama kipparitsigisumik naalakkersuinikkut sulisoqarsinnaanngilaq. Umimmaanniik kisitsinissaq ukioq manna pisariaqavikkaluarpoq. Ajornanngippat Dronet atorlugit ingerlanneqarsinnaalluni.
5. **Aqutsisoqarfik Ivittuut:** Piniarnissamut piffissaliissutigineqartut ajorineqanngillat. Neriututigineqarpoq pisassiissutigineqartut ukiup tulliaasaani nalilersuilluarnikkut amerlanerujumaartut imaluunniit ukiuunerani piniarnissamut periarfissiisoqartarumaartoq.
6. **Aqutsisoqarfik Sigguk:** Piniarnissamut piffissaliussat ajorineqanngillat. Kissaatigineqarpoq Siggummi umimmannik piaartumik kisitsisoqassasoq, malugineqartarmat umimmaat amerliartortillutik aamma avannamut illuariartorsimasut. Kisitsisoqareerneratigut angusaasut takoriarlugit amerlanerusunik pisassiisoqartarnissaa kissaatigineqarpoq. Aammalu nalilersoqqissaaqquneqarpoq pisassiisutaasartut ullumikkut qinnuteqartut akornanni ataatsimoortillugit makitsissutigineqartartut. Inoqarfikkaartumik inuttussuseq aallaavigalugu aagguaqatigiisitsilluni amerlassusilersuinikkut pisassiisoqartarsinnaanera ilanngullugu misissoquneqarpoq, inoqarfikkaartumik qinnuteqartut makitsissutigineqartarsinnaammata. Taamatut aqqinikkut innuttaasut neqissaqarniarnikkut isumagineqarnerunissaat aqqutissiuunneqarsinnaammat.
7. **Aqutsiveqarfik Ittoqqortoormiit:**
Piniarnissamut piffissaliussat ajorineqanngillat aammalu pisaassiissutit allanngoratik 115-unerat iluarisimaarneqarluni.

Itoqqortoormiuni Immikkoortortaqarfitta pingaartippaa umimmannik piaartumik kisitsisoqarnissaa, siorna 2022-imi dronet atorlugit kisitsiniarneq pinngitsoorsimammat. Aamma maluginiarneqarsimavoq Qamuteralaat atorlugit umimmaniarortoqarneratigut umimmaat assut siammarsimasut allaat qimussimik angujuminaassillutik. Umimmaat immikkoortut ikinnerusut toraarneqartalerlutik.

Siunissami Aqutsiveqarfik Nanortalik Pilersussaassaaq, 2014-imi umimmaliussat 19-usut arnavissat 12, angutivissat 7-usut maannakkut Ippatini aamma sermillip iluani amerliartorluarsimapput, takuneqartarsimapput immikkoortut arlallit imatut amerlatigisukkaat 52, 80, 30 ullumikkut missiliuunneqarput umimmaat 200 missaaniissasut. Kujataaniit apeqqutigineqarpoq qaqugu umimmannik amerlanngitsunik pisaqartoqartarsinnaalissanersoq ?
Ilnngullugu Nanortalimmiit piumasarineqarpoq umimmaat peqqissutsikkut misissuiffiginbeqarnissaat, ilaatigut umimmak ataaseq novembarimi toqusimavoq, napparsimasimalluni. Aamma januar 2023-imi umimmaat pingasut sissami toqusimapput siggui aanaarlutik, kisianni salunnatik. Umimmappassuit maannakkut peqqippaseqaat allaallu marlunnik piaqqisarsimallutik.

Nassuiaatinut ilanngusaq:

Kalaallit nunarput tamakkerlugu sunngiffimminni pinialuttartut tuttunik umimmannillu piniarnermi, inuussutissarsiutigivillugu piniartunik piniarfinni assigiinngitsuni ingiarsaarisarnerat annertooujussuannngorsimavoq. Allaas namminneq pissatik sipporujussuarlugit pisaqartaramik pisamik ilarpassuunik tuniniaasalersimallutik, tamakku tamarmik upernarsaatissaqarput, facebook-kikkummi malinnaaffigineqarput. Aammalu taakkuupput tuttunik umimmannillu tamakkiisumik angerlaassineq ajortut neqqarinnerinnai soorlu quttoqqat kisiisa ilarpassuisa angerlaattaramikkit. Aamma eqqaamanerqassaaq ukiut arlallit qaangiupput kangerlussuarmi sulisut ilaat danskeq umimmappassuarnik toqoraallarmat angerlaassaqaranilu. Tamakku piujuaannartitsinissamik pingaartitsinermut naapertuutin-ngilluinnarput. Piniakkat suugaluartulluunniit piniartunit aningaasaqarniarnermikkit iliungersuuteqartunit piniakkat iluaqutigineqarnissaat pingaartinneqartariaqarpoq sulissutiguarneqartariaqarlunilu. Sunngiffimminni pinialuttartut pisaminnik kikkunnulluunniit tuniniaasinnaatitaannginnerat inatsisigtigut ersarinnerusunnngortittariaqarpoq.

KNAPK-miit ilanngullugu Naalakkersuisoqarfimmut kaammattuutigineqarpoq Umimmaqarfik Naternaq-imi umimmaarukkiartornera pillugu umimmannik kisitsineq suliareqqullugu aammalu pinngortitami suut ajornartorsiutaasut misissoqqullugit. Aammalu piniarnermik nakkutillisoqarnikkut ajornartorsiutaasut ilanngullugit aqaqqiiviginissaat Kmmuneqarfik Qeqertalik suleqatigalugu aqaqqinniaqqullugit.

Piniakkanut suugaluartunilluunniit killilersuinerujussuaq nunami maani ingerlanneqarpoq, illuatugaatigullu sunngiffimminni pinialuttartut aningaasarsiorluartorsuit ilapparsui malitasanik saneqqutsillutik piniakkanik atornerluisartut isiginiarneqarnerusariaqalerput, piujuaannartitsinissamik pingaartitsinerujussuatta aqqani.

Inussiarnersumik inuulluaqqusillunga
Kalaallit Nunaanni Aalisartut Piniartullu Kattuffiat
sinnerlugu

Henning Dalager
Piniarneq pillugu
Siunnersuisooqatigiit
siulittaasuut